



Concello de Betanzos
Praza de Galicia, n.º 1, 15300 Betanzos, A Coruña

Teléfono: 981 770 011
Fax: 981 776 529
web: www.betanzos.net
sede electrónica: <https://sede.betanzos.es>
endereço electrónico: correo@betanzos.net

BASES DO SERVIZO DE CAMPAMENTO DE NADAL BETANZOS CONCILIA 2024/2025

OBXECTO

O campamento de Nadal conforma, xunto cos campamentos de verán Betanzos Concilia, unha alternativa de lecer para os/as nenos/as de 3 a 12 anos do municipio de Betanzos, cunha dobre finalidade: a de permitir a conciliación familiar, laboral e persoal das familias betanceiras; e a de ofrecer un espazo de esparcemento para nenas e nenos en igualdade de oportunidades. Tamén persegue contribuír á diminución das desigualdades sociais e favorecer a integración dos/as menores en risco de exclusión social.

Tanto transversalmente como en actividades específicas traballarase a igualdade de xénero e o fomento da lingua galega.

OBXECTIVOS

Os principais obxectivos son:

- Reforzar a igualdade de oportunidades na infancia.
- Favorecer a conciliación da vida familiar, persoal e laboral das familias.
- Promover a integración social dos/as menores en situación de risco.
- Previr situacións de vulnerabilidade e exclusión social nos/as menores.
- Promover o uso da lingua galega e a nosa cultura.
- Desenvolver habilidades sociais dos/as nenos e nenas para relacionarse adecuadamente.
- Fomentar a convivencia e ampliar o marco de relacións dos/as menores.
- Promover o respecto á diversidade.

- Fomentar o desenvolvemento da creatividade e as propias competencias a través do xogo.
- Fomentar a comunicación e a iniciativa capacitando aos/ás nenos/as para a toma de decisións.
- Fomentar o respecto pola contorna máis inmediata e pola cidade onde viven e o medio ambiente.
- Fomentar a afección por actividades ao aire libre, exercicio físico, e o traballo en equipo.

PERSOAS DESTINATARIAS

Poderán solicitar a súa participación no campamento de Nadal Betanzos Concilia 2024/2025 as familias da rapazada de entre **3 e 12 anos cumpridos**, nacida entre 2012 e 2021, e nas seguintes circunstancias.

- Empadroados/as no Concello de Betanzos. O Concello comprobará a veracidade de dito empadroamento.
- Non empadroados/as no Concello de Betanzos, unicamente no caso de que quedasen prazas dispoñibles, e por rigurosa orde de inscrición.

Quen teña unha **discapacidade** igual ou superior ao 33% poderá participar nesta convocatoria sempre que posúa a **capacidade de integración nun grupo** e que as súas necesidades especiais lle permitan participar e beneficiarse das actividades que se van desenvolver, o que **deberá ser acreditado mediante informe médico, educativo ou social**. A **familia deberá avisar ao Concello desta circunstancia** no momento de realización da solicitude.

LUGAR E DATA

O campamento de Nadal Betanzos Concilia desenvolverase nas dependencias do CEIP Francisco Vales Villamarín, de luns a venres agás festivos, nas seguintes datas.

- **Do 23 de decembro ao 7 de xaneiro (9 días).**

HORARIO

- Hora de entrada ordinaria: Ás **08:00 horas** ou ás **09:00 horas**.
- De 08:00 a 09:00 desenvolverase o **servizo de Mañanceiros** sen almorzo e sen custe adicional.

- Hora da recollida: **Flexible entre as 14:00 horas e as 15:00 horas**, para favorecer a conciliación. Non se poderá recoller a ningún/ha menor pasados 10 minutos das 15:00 horas.

PRAZAS

Ofértanse un **máximo de 20 prazas**. Será necesario chegar a un **mínimo de 12 nenos/las** para realizar a actividade. **As prazas cubriranse por estricte orde de inscrición.**

CUSTO

- O custo do servizo será de **50 € por neno/a en cada quenda** en consonancia co acordo da Xunta de Goberno Local publicado no BOP da Coruña do 13/07/2015 .
- **Desconto do 20% en cada fillo/a** no caso de **acreditar ser familia numerosa** no momento da solicitude, acompañando o certificado correspondente.
- Reservaranse **2 prazas** en total para **casos de exclusión social** debidamente acreditados polos Servizos Sociais Municipais. As familias deberán **marcar expresamente este cadro na solicitude, e pedir cita coa traballadora social** de zona para a súa comprobación.

ACTIVIDADES

As actividades terán como **eixo vertebrador a igualdade entre nenas e nenos**, a través de iniciativas lúdicas de ocio e tempo libre (xogos, obradoiros, etc.), así como **actividades propias da época do Nadal**.

A través do xogo cooperativo trataranse valores de respecto, igualdade de oportunidades, resolución de conflitos e o fomento da nosa cultura e lingua galega.

Incluírase **unha saída fóra do Concello de Betanzos**.

INSCRICIÓNS

O prazo de inscrición será do **2 ao 13 de decembro, ámbolos dous días incluídos**.

A documentación necesaria para realizar a inscrición será:

- Impreso de solicitude debidamente cuberto, que poderá obterse en:
 - Sede electrónica do Concello de Betanzos. <https://sede.betanzos.gal>
- Fotocopia da tarxeta sanitaria do/a menor.
- Título de familia numerosa, de solicitarse a bonificación por ese concepto.

- Acreditación do certificado de discapacidade, de ser o caso.
- Para as prazas reservadas por risco de exclusión, a documentación necesaria para realizar esta valoración e previa cita no departamento de Servizos Sociais.

A presentación de inscricións realizarase **preferentemente a través da sede electrónica do Concello de Betanzos** <https://sede.betanzos.gal> a través do botón "Iniciar trámite".

Recordamos que para utilizar a sede electrónica é preciso dispoñer de Certificado electrónico, ou DNI electrónico, ou Cl@ve PIN, ou Cl@ve permanente.

Excepcionalmente as persoas que acrediten que non contan cós medios necesarios para realizalo por esta vía, poderán realizar a **solicitude nos Servizos Sociais municipais**, chamando ao 981 77 07 07.

PUBLICACIÓN DAS LISTAXES DE PERSOAS ADMITIDAS

A listaxe provisional de admitidos/as publicarase o **luns 16 de decembro**. De non haber reclamacións nos 2 días naturais seguintes, elevarase a definitiva.

Poderase consultar na páxina web municipal <https://betanzos.es> ou nos taboleiros de anuncios de Servizos Sociais e o Edificio Liceo.

ADXUDICACIÓN DE PRAZAS

- **Directa:** a adxudicación de prazas realizarase por **estricta orde de solicitude** ata completar as 20 prazas dispoñibles.

No caso de que as familias dos/as admitidos/as non realicen o ingreso do custo dos campamentos en prazo ou renunciem á praza obtida por sorteo, chamarase telefonicamente aos/ás integrantes da lista. No caso de no ser localizados/as tras tres chamadas a diferentes horas, pasarase ao/á seguinte da lista.

No caso de existir prazas vacantes xa iniciada a actividade, as crianzas poderanse incorporar nela despois do comezo do campamento, sempre que se conserve a ratio monitor/a-nena/o.

PAGAMENTO

As cotas pagaranse unha vez aparecido na lista definitiva de admitidos/as o nome do/a neno/a e sempre con anterioridade ao inicio da actividade a través da Oficina Virtual Tributaria do Concello de Betanzos.

https://sede.betanzos.gal/sxc/es/procedimientosytramites/tramites/OficinaVirtualTributaria_N

Unha vez nesta plataforma, ir a **Autoliquidar e pagar taxas** da páxina de inicio, onde deberá introducirse o DNI da persoa solicitante e seleccionar o apartado **Prestación de servizos, subapartado Prestación de servizos – Campamento urbano**.

No despregable *Tarifas* **deberase escoller a quenda ou quendas** que procedan segundo o listado de persoas admitidas.

En virtude da ordenanza reguladora, as persoas solicitantes que teñan a **condición de Familia Numerosa** terán unha **bonificación do 20% en cada filla/o** participante, que non inclúe os servizos de almorzo e xantar. Para aplicala, dentro de cada quenda, no despregable *Bonificación* deberase escoller a opción *Familia Numerosa 20%*.

A continuación xerarase o **documento de pago**, que pode descargarse para **abonar presencialmente** en calquera oficina ou caixeiro das entidades **Abanca ou Sabadell** ou ben **pagarse directamente con tarxeta** desde a opción **Pagar**. En ambos casos, garde o xustificante de pagamento.

Deberá realizarse unha autoliquidación por cada filla/o inscrito no campamento de Nadal.

Unha vez realizado o pagamento, **o xustificante debe enviarse por correo electrónico a marta.pineiro@betanzos.gal** ou entregarse nas dependencias dos Servizos Sociais municipais.

O **prazo máximo** para o pagamento e o envío de xustificante de pago será **o xoves 19 de decembro**.

Para calquera **dúbida** con respecto á Oficina Virtual Tributaria poden poñerse en contacto co departamento de Servizos Sociais no **981.77.07.07** ou co departamento de Tesourería no **981.77.00.11**.

DEVOLUCIÓN DE TAXAS

Unha vez obtida a praza e aboado o prezo da quenda correspondente, **unicamente devolverase a taxa** se a/o menor non puidese acudir aos campamentos **por causa médica, tras aportación de solicitude de baixa e informe médico correspondente, antes do inicio da actividade**.

Se a/o menor inicia o campamento e por causa sobrevida non pode continuar no mesmo, non se devolverá a taxa.

Se existise un **erro á hora de pagar as taxas do campamento**, por non encontrarse a/o menor incluído nalguna das quendas abonadas, **deberá realizarse a solicitude de devolución** de taxa por sede electrónica ou rexistro, non realizando o Concello este trámite de oficio.

REUNIÓN INFORMATIVAS

Antes do inicio do campamento haberá unha **reunión informativa** para as familias coa empresa encargada do desenvolvemento do campamento na **Aula de Usos Múltiples dos Servizos Sociais**.

- **Xoves 19 de decembro ás 19:00 horas.**

NORMAS

A inscrición na actividade supón o compromiso de aceptación das normas.

Dereitos das persoas usuarias:

- Bo trato por parte do persoal do servizo e dos/as outros/as usuarios/as.
- A confidencialidade sobre os seus datos sanitarios, económicos e sociofamiliares.
- Proporcionarlle a atención socioeducativa precisa para o seu desenvolvemento integral.
- Favorecer a súa participación no servizo.

Obrigas das persoas usuarias:

- Incorporarse á actividade nos horarios establecidos.
- Non abandonar a actividade sen autorización da persoa responsable.
- Entregar a documentación requirida.
- Para a recollida das/os menores sempre será requirida a comparecencia dalgunha das persoas que figuran autorizadas.
- Respetar as normas establecidas polos equipos de monitores, así como as de réxime interno das instalacións onde se desenvolvan.
- Non transferir a praza asignada.
- Manter unha actitude de respecto e consideración co persoal e cos/as demais usuarios/as.

O incumprimento reiterado das normas establecidas suporá causa de baixa.

A alcaldesa , María Barral Varela.

Betanzos, a 27 de novembro de 2024.